

LITERÆ  
Reg. M.<sup>tis</sup> Sveciæ  
Ad  
Imperatorem  
Romanum  
De  
Bello Polonico.

---

STETINI apud JOH. VALENT. RHETIUM,  
S.R. M<sup>tis</sup>. typographum. Anno MDCLV.

E XIX 130 nadki

1838

Serenissime & Potentissime Im-  
perator, Domine Frater, Cō-  
sanguinee & Amice charis-  
sime.

**T**Si non dubitamus, qvin M<sup>as</sup>. V<sup>o</sup>.  
jam diu ex Residente suo, in aula no-  
stra hactenus commorante, cogno-  
verit, cui fini apparatum armorū, in Regno &  
Provinciis nostris, ultra solitū proxime præ-  
teritis mensibus institutum, destinaverimus;  
svadent tamen amicitiæ & vicinitatis leges, ut  
M<sup>as</sup>. V<sup>o</sup>. occasionem & causas actionis, qvam  
nunc contra Regem Poloniæ aggredimur, et  
jam literis aperiamus. Intercessit jam diu in-  
ter antecessores nostros Reges Sveciæ ex una,  
& Poloniæ Reges ex altera parte controversia.  
Qvæ qvia in herba non potuit sopiri, bellis sa-  
tis diuturnis & gravibus utramq; gentem ini-  
plicuit, & tandem una cum Sveciæ sceptro ad  
nos est devoluta; sed tamen cum qvadam ar-  
morum cessione: ita, ut, cum gubernacula  
regni

regni susciperemus, ex induciis anni circiter  
sex restarent. A nobis itaq; rerum in Svecia  
potitis, muneric nostri ratio exigebat, perva-  
dere, qvid hactenus durantibus induciis inter  
utraq; regna actum, & qvo loco res utrinque  
tum esent, ne, dum & animi nostri inclinati-  
one & ex lege conventionis Stumsdorfiensis  
conservationi induciarum paciqt; perpetuæ  
faciendæ consuluerimus, præter spem tricis  
inevitabilibus & bello exitiali involveremur.  
Ut autem tota hæc res eo melius intelligatur,  
considerandum venit, qvod inter alia dictis  
induciarum pactis conventum sit: *Primo*,  
ut ex regno Poloniæ, magno ducatu Lithuaniae  
& cæteris ditionibus Polonicis nullæ mo-  
litiones, nedum hostiles actiones tentarentur  
adversus Reges & regnum Sveciæ: *Deinde*,  
ut Rex & respublica Polonica adversus Regem  
& regnum Sveciæ nulla classe utatur, vel aliis  
qvibuscunq; auxilio submittat: *Tertio*, ut cur-  
rentibus induciis agatur de pace perpetua, ita  
tamen, ut, si tractatus ejusmodi semel aut ite-  
rum non successerit, firmæ nihilominus & in-

violabiles manerent induc*ȝ*. Qvod contra  
expressas hasce pactionum conditiones Polo-  
niæ Rex ULADISLAUS nunc hostilem irru-  
ptionem in Livoniam sive conniventia, sive  
auxilio promoverit, nunc alibi aliorum nobis  
tum infesta arma adjutaverit, nunc Sveciæ à  
Dania cessam & debitam insulam Oeseliam  
subtrahere, & qvocunq; alio modo ex amicis  
inimicos & hostes Sveciæ reddere, imo subdi-  
tos ad defectionem sollicitare annis sit, ita  
omnibus vicinis tam ex rerum notorietate,  
qvam publicis scriptis nota sunt, ut uberiori  
deductione nunc non egeant. Nos nostris  
temporibus propiora partim ludibria, partim  
damna, & qvidem nobis ipsis & regno nostro  
à moderno Poloniæ Rege, sub specioso pacis  
simulacro præparata & jamjam imminentia  
exitiosa consilia paucis commemorabimus.  
Cum honoratissima nostra mater & consan-  
gvinea, Serenissima & Potentissima Sveciæ  
Regina CHRISTINA, post mortem Regis Po-  
loniæ ULADISLAI rogaretur, ut fratres ejus-  
dem Principes superstites, JOHANNEM CA-

SIMI-

SIMIRUM & CAROLUM FERDINANDUM,  
commendaret Senatui & Ordinibus Poloniæ  
magniç; ducatus Lithuaniae, qvo eorum cum-  
primis ratio in electione novi Regis habere-  
tur, id eqvidem pro ambobus singulari cura  
fecit, & cum primis Principis JOHANNIS CA-  
SIMIRI, ut ætate provectionis, promotioni  
omnem suam operam & studium accommo-  
davit, hoc sibi emolumenti exinde expectans,  
ut vel ipse Princeps JOHANNES CASIMIRUS  
ad regiam dignitatem evectus tanto sincerius  
ad perpetuam pacem æqvis conditionibus fa-  
ciendam excitaretur, vel, si eam negligeret,  
orbi tamen constaret, qvatum heroica mens  
propinqvo sibi sanguinitribuisset. Verum-  
enimvero, Qvam JOHANNES CASIMIRUS  
Princeps commendationis causa veneraba-  
tur, Eandem postea, coronâ Poloniæ insigni-  
tus, contra pæctorum præscriptum debito coro-  
næ honore afficere detrectabat. In ipsis  
induciarum pactis expressa est mutuæ titula-  
tuaræ ratio, qvæ, ceu fundamentum cessatio-  
ni armorum substructa, utrinq; postea erat

ob.

observanda: idq; in Tractatu Stumsdorfiensi  
ratione Poloniæ ejusdem primarius Com-  
missarius, datis literis ad Sveciæ partis prima-  
rii Commissarium, testatum fecit: confir-  
mantibus insuper idipsum non modo Regis  
Angliae & Ordinum uniti Belgii Legatis, sed  
ipso etiam usu. Hanc mutuae corresponden-  
tiæ basin subrutarus hodiernus Rex Poloniæ,  
vel non dedit alte memoratæ Reginæ titulos  
stylo Pactorum congruentes, usus Gallico  
sermone, à titulorum congerie alieno: vel in  
latinis literis & scriptis titulum qvidem Regni  
Sveciæ ei attribuit, sed sibi & titulos & insi-  
gnia Regni Sveciæ reservando, idq; nunc in  
literarum & Procuratoriorum scriptura,,  
nunc in Sigillorum partim integra structura,  
partim eorundem sive incrustationibus sive  
involucris. Cum Mediatorum interventu  
Lubecenses bini congressus ad pacem perpe-  
tuam constituendam essent decreti, institu-  
tiq;, primum & præcipuum obstaculum tam  
salutari proposito objecit Rex Poloniæ inde-  
bitâ sibi titulorum usurpatione: nam præter  
qyam.

quam quod Polonici Commissarii ibi producebant plenipotentias variis vitiis refertas, etiam Rex Poloniae in iisdem ipsis plenipotentiis sibi titulum Regis Sveciae retinuit; & cum inculcatum satis esset, talia præjudicium afferre conventioni, usitato stylo & tractatus tum præsentis initio, progressuq; Commissarii Polonici, agnoscentes errorem, fidem dant Regis Christianissimi Legato, intra tres vel ad maximum quatuor hebdomadas Sveciae Commissariis iri satisfactum. Verum tantum abest, ut ex condicto emendatas retulerint Plenipotentias, ut post longi temporis jacturam tandem sint causati, se non fuisse auctos compellare Regem suum super tituli Sveciei omissione. Huic irrito congressui succedit alter ejusdem modi & eventus: Nam tum quidem Rex Poloniae in Procuratori scriptura titulis Sveciae abstinebat; verum retinuit eosdem & Regni Sveciae insignia in ipso sigillo Plenipotentiæ adnexo. Paratis Sveciae Commissariis expectare emendationem Sigilli, ut ita integris Procuratoriis rem.

sibi

sibi propositam aggrederentur, tandem aliquando respondeatur, Regem Poloniæ Cosacis debellandis occupatum vix admisurum. hanc sigilli mutationem, et si illud induci posset, non habiturum illic locorum artificem novo sigillo confiendo idoneum: adeo ut ob hanc tergiversationem alter congressus sit abruptus, & honoratissimæ nostræ Matri & Consangvineæ, tum Sveciæ imperanti, satis superq; patuerit, Regem Poloniæ mutatis tantum ludificationibus tempus trahere & insidiari ejusmodi occasiōni, qvà, rebus domi compositis, Sveciæ possit imminere. Cum altememorata & honoratissima nostra mater superiori anno rerum in Svecia adhuc potiretur, & misfus tum illuc nomine Regis Poloniæ internuncius CANASIHLIS contestaretur, Regem suum & Rempublicam Poloniæ velle Legatos suos plena cum potestate Stockholmiam allegare, de toto negotio transacturos, eidem Polonico Delegato Nos illico, post suscepsum Regni Scéptrum, per nostrum Regniq; nostri Cancellarium fecimus significari;

B

Nos

Nos equidem teneri singulari desiderio compo-  
nendi hæc diuturna & cruenta dissidia, sed, an-  
tecedentium Tractatum vestigis admonitos,  
vereri vel ingesta hactenus ludibria & injurias,  
vel rerum inanes & elusorias procastinationes.  
A parte Sveciae abunde esse satis factum pactis in-  
duciarum, quod semel atque iterum in primo Lu-  
becensi congresu ludibria Regis Poloniae tolerata  
sint: Qvod vero tam solenniter per primi con-  
gressus acta admonitus idem Rex, sustinuerit ta-  
men in altero repetitis vicibus in ejus usque finem  
priori ludificationi insistere, id vel patientissimi  
Principis animum lederet. Si Regi Poloniae cordi  
esset solida & duratura pax, missis non necessa-  
riis & prejudiciosis misficationibus, cito & sine  
ambagibus persuos & reip. plenipotentiarios in re  
presentem veniret, experturus in omnibus aequa-  
nimitatem nostram: Sin pengeret in proposito suo,  
mittendis scilicet illis ad decipiendum Nos, orbemque  
universum, internunciis literisque Juribus & Di-  
gnitati nostre Regie derogantibus, non posse Nos,  
tot documentis edocentes, aliud de illius actionibus  
judicium ferre, quam Regem Poloniae suos deq;  
hatere

*habere sacrosanctam pactorum fidem.* Hisce  
tamen spretis venit præterita hyeme in Sveci-  
am, non Legatio aliquva Polonica cum plena  
potestate, sed, ut ipse præ se ferebat, prælimi-  
naria ratione loci & temporis ad futurum  
congresum complanaturus, Regius Cubicu-  
larius MORSTENIUS. Apographū literarum  
fidei à Rege Poloniæ ad Nos directarum con-  
tinebat eqvidem titulos utriq; nostrum con-  
venientes; sed Rex Poloniæ, ut imaginarium  
illud jus, qvod in Regnum nostrum præten-  
dit, aliquva ratione, expunctis jam titulis Sve-  
ciæ, reservaretur, in fine literarum adscripsit  
sibi plura regna, qvum tamen uno tantum  
gaudeat: ut nihil addamus de intermissa una  
ex pactorum præscripto & stylo inferenda.  
Etcæteratione, qvo etiam defectu Regum æ-  
qualitati derogatum ibat. Non potuimus  
non ægre ferre, Nobis, post sincera illa moni-  
ta, qvibus CANASIHLES dimittebatur, ita  
adhuc illudi. Qvi sine præjudicio rem con-  
siderat, deprehendet, non levem & minutu-  
mam interpungendi rationem hic verti, sed in-

justa plurium Regnorum vendicatione, quasi  
gravi ictu, concuti & Regiam nostram Coro-  
nam & fundamentum paetorum, præcisa pla-  
ne spe futuræ transactionis. Passi itaq; su-  
mus, ut nostri Regniq; nostri Senatores apud  
Senatum Poloniæ super hac indignitate que-  
rerentur. Interea, & dum hæc agitantur, ex  
variis locis certiores reddimur, eundem Re-  
gem Poloniæ non modo superius indigitæ  
Svecicorum subditorum defectioni in Livo-  
nia magno studio insudasse, sed pacandis et-  
iam Cosacis Livoniam prædam & sedem juri-  
dici offerre. Et, qvod Nos, Regnum, Provin-  
cias & subditos nostros quam maxime afficit,  
eo ipso tempore, quo Rex Poloniæ apud Nos  
videri vult serio agere de pace, vicinos & ami-  
cos nostros, præsertim mare Balthicum vel  
accoientes vel frequentantes, ad communem  
societatem, nobis exclusis, pellicere, & con-  
ceptâ jam fœderis formulâ peregrinam clas-  
sem dicto mari, in manifestum & irreparabile  
juris & rationum nostrarum præjudicium  
inferre satagit. Qvi vel non satis conside-  
rat

ratis partium rationibus & rerum circum-  
stantiis, vel Poloniæ addictiores de supradiætis  
ultimis incidentibus judicium ferre depre-  
henduntur, ingerunt, tam graves querelas vi-  
gore Pactorum & induciis salvis ab utriusq;  
partis Commissariis, loco aliquo ad Livoniæ  
fines debuisse ventilari, decidi & sopiri. Ni-  
teretur hæc eorum objectio aliqua juris spe-  
cie, si Polonia tum, cum vel Senatores Sveciæ  
vel armorum Svecicorum ductores, aliiq; mi-  
nistri sæpius quæsti sunt de Poloniæ Regum  
molitionibus & hostilibus attentatis adversus  
Sveciam, Commissionem talem medendis  
justis Sveciæ querimoniis vel semel serio pro-  
curasset. An Rex celaverit Senatum & Or-  
dines querelas Sveciæ, vel ipsa Respublica se  
talium consiliorum participem fecerit, nunc  
non inquirimus. Hoc tamen certum est, Sve-  
ciæ querelis quandoq; responsum esse vel fa-  
cti extenuatione vel ejusdem ignorantia,  
quandoq; nihil responsi relatum est. Nemo  
à partium studio alienus judicaverit, consiliis  
animisq; Polonorum ita comparatis, esse è re

&amp;

& decore Regum Sveciæ, Commissiones à  
Regibus Poloniæ emendicare. Et qvis Com-  
missionum ad Livoniæ fines instituendarum  
alium sibi eventum, qvam habuere binæ illæ  
Lubecenses, præfiguraret? Nam in ejusmodi  
Commissionibus nihil, qvod summam rei  
concernat, potest agi absq; Plenipotentiis; &  
Lubecæ protulerunt Poloni vitiosissimas.  
Qvum itaq; Poloniæ Rex, legitimis transigen-  
di modis spretis, ludibria ludibriis cumulet,  
flocciq; faciens damna antea Sveciæ illata-  
nunc ultimo Status nostri jugulo exitium ad-  
movere paret, M<sup>ti</sup>. V<sup>z</sup>. perpendendum relin-  
quimus, qvid Ipsa in tali rerum articulo sibi  
faciendum judicaret. Nos, frustra tentatis  
omnibus mitioribus & pactorum tenori con-  
formibus remediis, id demum, qvod tutandis  
vindicandisq; nostris juribus, conservandæ  
Dignitati, & protegendis subditis, ditioni-  
busq; nostris Divina Nobis Majestas concre-  
didit, arripere sumus coacti. Qvæ omnia &  
singula vel ideo M<sup>ti</sup>. V<sup>z</sup>. nunc paulo fusius ex-  
ponimus, ut Ipsa non modo hujus nostri con-

tra

tra Regem Poloniae facti rationes penitus viderat, sed simul etiam certior reddatur, Nos yelle non modo Pacem Osnabrugis & Monasterii Westphalorum factam eâ curâ, qvalenti data fides & Pactorum religio reqvirunt, servare, sed præterea etiam nihil eorum intermittere, qvæ ad bonam amicitiam & correspondentiam facere videbuntur. Qvibus M<sup>tem.</sup> V<sup>am.</sup> Divinæ tuitioni peramanter commendamus. Dabantur Wolgasti die 18. Julij Anno 1655.

*Mtis. Vestræ*

*Bonus Frater, Consanguineus  
& Amicus*

*Carolus Gustavus.*

*M. Biörenklaus.*

